

南雍州记
晋·王韶

○太和山

武当山，山高巉峻，若博山香炉，茗亭峻极，干霄出雾。学道者常百数，相继不绝。若有於此山学者，心有隆替，辄为兽所逐。

○粉水

萧何夫人渍粉处也。

○酒泉

福祿城，谢艾所筑。下有金泉，味如酒。有人饮此泉水，见有金色从山中照水，往取得金。故名。

○辛居士家

辛居士名宣仲，家贫。春月，鬻笋充肠。酌，截竹为罍，用充盛置。人问其故，宣仲曰：“我惟爱竹好酒，欲令二物常相并耳。”

○诸葛故宅

隆中诸葛亮故宅，有旧井一，今涸无水。盛弘之记云：井深五丈，广五尺，堂前有三间屋地，基址极高。云是孔明避暑台。宅西山临水，孔明常登之鼓琴，以为梁父吟。因名此为乐山。先有人家居此宅，衰殄灭亡。

后人不敢复憩焉。齐建武中，有人修井，得一石枕，高一尺二寸，长九寸。献晋安王，习凿齿又为宅铭。

○乐善台

高齐之后有堂，堂西有射堂五间。射堂南有大池，池上有台，名曰乐善台。